


BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
BROJ: 65 0 P 305 293 12 P
Sarajevo, 27.02.2014.g.



Općinski sud u Sarajevu, i to sutkinja Rada Bjeljac, u pravnoj stvari predlagatelja A. B iz Sarajeva, nastanjen na adresi ul: S. I, sa trenutnom boravkom u Švicarskoj predlagateljice A. L. Iz Sarajeva, nastanjena u ulici: V. Zastupana po punomoćniku **PRNJAVORAC Azur, advokat**, radi **razvoda braka**, nakon zaključene glavne i nejavne rasprave dana: 13.02.2014.g., održane u prisustvu predlagatelja i punomoćnika predlagateljice, te predstavnika Službe socijalne zaštite Novi Grad, donio je dana 27.02.2014.g. slijedeću:

PRESUDU

RAZVODI SE brak zaključen dana 16.08.2003.g. kod Matičnog ureda Općine S. Između A.B. sin M. Rođen 21.04.1971.g. u Sarajevu i A. L kći S., rođene u Sarajevu.

Zajednično mlđb. dijete A.A, rođen: 16.07.2004.g., živjet će sa ocem A.B. uz obavezu majke A.L. da na ime izdržavanja djeteta plaća mjesečno iznos od 100,00 KM na ruke oca i zakonskog zastupnika A.B., počev od dana donošenja presude, svakog prvog, a najkasnije do desetog u mjesecu za tekući mjesec, dok za to budu postojali zakonski razlozi, sve u roku od 30 dana.

Otač, A.B. dužan je omogućiti održavanje međusobnih kontakata i ličnih odnosa izneđu mlđb. djeteta A.A. i majke A.L i to: svaki vikend u mjesecu od petka do završetka nastave do 16 sati u nedjelju. Za vrijeme ljetnog raspusta tri puta po 10 dana, ukupno 30 dana, za vrijeme zimskog raspusta 10 dana. Vjerske, državne praznike kao i rođendan naizmjenično sa jednim pa drugim roditeljem, sve u roku od 30 dana.

OBRAZLOŽENJE

Tužitelj je dana 08.11.2012.g. podnio tužbu za razvod braka te je konačno opredjelio tužbu 13.02.2014 godine i predložio da sud donese odluku kao u izreci, a punomoćnik tuženog je na ročištu od 13.02.2014 godine se saglasio, te je sud donio rješenje kojim se tužba smatra sporazumnim zahtjevom za razvod braka.

U obrazloženju tužbe je navedeno da su parnične stranke brak zaključile dana 16.08.2003 godine kod Matičnog ureda Općine S. Stranke su u braku stekli jedno mlđb. djetę A.A. rođę 16.07.2004 godine. Faktička bračna zajednica je prestala krajem 2010 godine.

Sud je cjenio sljedeće dokaze i to: Izvod iz Matične knjige vjenčanih broj 03-201-242/03 od 13.08.2003.g. iz kojeg se vidi da je brak zaključen dana 16.08.2003.g. kod Matičnog ureda Općine S. Između A.B sin M, rođę u Sarajevu i A. rođeno: S L, kći S., rođena: 04.12.1984 u Sarajevo, Izvod iz matične knjige rođęnih br: 03-2001066/04 od 29.07.2004.g. za mlđb. A. A. rođę 16.07.2004.g. u Ilidža, Zapisnik o posredovanju Službe socijalne zaštite Općine Novi Grad broj: 35/IV-1-544-2361/11 od 04.11.2011 godine Uvid u Uvjerenje od Zavoda za zapošljavanje S. Br: 1-61-10855-1-2012-677 od 25.10.2012 godine iz kojeg se vidi da je A. B. Rođę: 21.04.1971 godine, po zanimanju m., javlja ovoj službi redovno od 16.10.2012.g. i dalje, Uvid u Uvjerenje uprave za geodetske i imovinsko-pravne poslove Banja Luka – iz kojeg se vidi da A. B. Nije upisan kao posjednik u katastarskom listu, Uvid u izjavu-kućnu listu iz koje se vidi da A. B živi u zajedničkom domaćinstvu sa mlđb. sinom A.A., Uvid u medicinski nalaz javne ustanove dom zdravlja Sarajevo – Savjetovalište za mentalno zdravlje od 28.12.2001.g. na ime S. K., kao i uvid u nalaz Javne ustanove Dom zdravlja Vrazova mišćenje ljekara psihologa od 04.04.2001.g. na ime S.L. te Uvid u Mišljenje Službe socijalne zaštite Općine Novi Grad od 14.09.2012. godine.

Sud je ocjenom dokaza u smislu člana 8. Zakona o parničnom postupku, te nespornih navoda parničnih stranaka donio odluku kao u izreci.

U smislu člana 41. Porodičnog zakona Federacije Bosne i Hercegovine (Službene novine Federacije Bosne i Hercegovine, broj: 35/05), sud je donio odluku o razvodu parničnih stranaka, jer su bračni odnosi teško i trajno poremećeni, a što je u saglasnosti sa sporazumom parničnih stranaka.

U smislu člana 140, 142, 215, 216, 235, 236, 244 Porodičnog zakona Federacije Bosne i Hercegovine, sud je donio odluku o povjeri, izdržavanju i kontaktiranju mlđb. A.A.

SUTKINJA

RADA BJELJAC, s.r.

POUKA: Protiv ove presude dozvoljena je žalba Kantonalnom sudu u Sarajevu, putem ovog suda u roku od 30 dana od dana dostavljanja presude u dovoljnom broju primjeraka za sud i suprotno stranu.